

Spööl me dat Leed van d' Merkel-Ofscheed

En eensaam Rieder beweegt sük sacht up de Sünnenunnergang to ... Musik van en Gitarr un en Mundörgel verklingt ... Faken sücht so dat freedelke Enne van en Western ut. Noch för en paar Minuten rokden de Büssen, wurden Minsken utroovt, gaff dat Gebölk un Haueree. Man nu is allens weer in d' Rieg. De Cowboy dürt getroost sien Fieravend geneten. Vielleicht hett sük de Künstler Wilhelm Koch van disse Idee anstecken laten, as he dat 2,70 m



Insa Schindler

hoge Riederstandbild maakt hett, dat för en paar Dagen in Etsdörp in Bayern inweihet worden is. Uns Noch-Bundeskanzlerin is daar in Beton up de Rügg van en American Quarter Horse to sehn. Se draggt wall en van hör bekannte Büxenazüge un hett hör Hannen so as immer to hör Merkel-Raute tosammen leggt. Man se sücht irgendwie to stief un

holten för de Rull as en Riederske. Kien Wunner, denn in d' Unnerscheed to sonst sitt se nich mehr fast in de Sattel un se holt ok kien Tögels in d' Hand.

16 Jahren Amtstied as Bundeskanzlerin gahn bold to Enne. Well harr dat docht, as Gerhard Schröder 2005 in de Elefantenrunn na d' Waahl utposaunde, dat man de Kark – un damit ok dat Pastorenwicht – in 't Dörp laten sull? Hum allennig stunn dat to, de neje Regeeren to bilden!

Un nu is se mehr as dübbelt so lang as he in dit Amt bleven. Söben Direktmandaten as Abgeordnete, veer wunnen Bundesdagswahlen, de eerste Froo up disse Posten in Düütskland, negen Maal Üpperste van hör Partei – dat bünd blot een paar Punkten van hör Erfolgsgeschicht. Hör „Weschaffen-dat-Padd“ in de Flüchtlingspolitik, dat Ofschaffen van de Wehrpflicht, de Ofkehr van de Atompolitik, Wandel un Krisen in Europa bünd mit hör verbunnen, tolest de Slacht un de Folgen van Corona. Egaal, wo man to Froo Merkel un hör Politik steiht,

KOLUMNE

Moin, Moin
Schrievers moje
allerbest Sprak hoop
Pläseer Vertellsel
Smüstern

Platt maakt

mutt man hör togood hollen, dat se sük immer troe bleven is. Nich se wull in d' Middelpunkt stahn, sünnern de Saak, van de se övertüggt was. So hett man hör noit as Spöker beleevt. Hör Slichtheid un Bescheidenheit hebben hör völ Ansehn – ok in 't Utland – inbrocht. De Kehrsied van de Ära Merkel is nu, dat nüms in hör Footstappen treden kann. Mit hör Ofgang stört se hör egen Partee in en leepe Krise. Se blifft nich de eenzigste is, de up de Sünnenunnergang toriddt. Mit en bittje Ofstand folgen hör noch en Koppel an Politikkers, de utdeent hebben un nu in de Prärie jaggt worden. Vielleicht word hier ja nett de Stoff för de nächste Politikal-Western utbröddt...